

Puer crescebat, plenus sapientia.

℟ Léctio sancti Evangélii secúndum Lucam

2, 22-40

²² Postquam impléti sunt dies purgatiónis eórum secúndum legem Móysis, tulérunt Iesum paréntes eius in Hierosólymam, ut sísterent Dómino,
²³ sicut scriptum est in lege Dómini:
«Omne masculínum adapériens vulvam sanctum Dómino vocábitur»,
²⁴ et ut darent hóstiam secúndum quod dictum est in lege Dómini:
par túrturum aut duos pullos columbárum.
²⁵ Et ecce homo erat in Ierúsalem, cui nomen Símeon, et homo iste iustus et timorátus, exspéctans consolatióнем Israel, et Spíritus Sanctus erat super eum,
²⁶ et respónsum accéperat ab Spíritu Sancto, non visúrum se mortem nisi prius vidéret Christum Dómini.
²⁷ Et venit in Spíritu in templum. Et cum indúcerent púerum Iesum paréntes eius, ut fácerent secúndum consuetúdinem legis pro eo,
²⁸ et ipse accépit eum in ulnas suas et benedíxit Deum et dixit:
²⁹ «Nunc dimíttis servum tuum, Dómine, secúndum verbum tuum in pace,
³⁰ quia vidérunt óculi mei salutáre tuum,
³¹ quod parásti ante fáciem ómnium populórum,
³² lumen ad revelatióнем géntium et glóriam plebis tuæ Israel».

- ³³ Et erat pater eius et mater mirántes super his, quæ dicebántur de illo.
- ³⁴ Et benedíxit illis Símeon et dixit ad Maríam matrem eius:
«Ecce pósitus est hic in ruínam et resurrectióne multórum in Israel et in signum cui contradicétur — et tuam ipsíus ániam pertránsiet gládium — ut reveléntur ex multis córdibus cogitatiónes».
- ³⁵ Et erat Anna prophetíssa, filia Phánuel, de tribu Aser. Hæc processérat in diébus multis et víxerat cum viro suo annis septem a virginítate sua; ³⁷ et hæc vídua usque ad annos octogínta quáttuor, quæ non discedébat de templo, ieíúniis et obsecratióibus sérviens nocte ac die.
- ³⁸ Et hæc ipsa hora supervéniens confitebátur Deo, et loquebátur de illo ómnibus, qui exspectábant redemptióne Ierúsalem.
- ³⁹ Et, ut perfecérunt ómnia secúndum legem Dómini, revérsi sunt in Galiléam in civitátem suam Názareth.
- ⁴⁰ Puer autem crescébat et confortabátur plenus sapiéntia; et grátia Dei erat super illum.

Verbum Dómini.